

SARS YI RHURHELA VARHANGERI VA VUFAMBISI BYA VULAWURI BYA TINHUNDZU EMINDZILEKANINI

PRETORIA, 11 Dzivamisoko 2018 - Vukorhokeri bya Xibalo bya Afrika-Dzonga (SARS) byi ta rhurhela Nhlengeletano ya Ntirhisano wa Vulawuri bya Tinhundzu eMindzilekanini, leyi ku nga vuyimeri bya varhangeri va vufambisi bya vulawuri bya tinhundzu emindzilekanini byo suka ematikweni lawa ya nga swirho ya BRICS: Brazil, Russia, India, China na Afrika-Dzonga hi mbono wo ndlandlamuxa vuxaka no yisa emahlweni wu antswisa ntirhisano no tlakusa nhluvukiso exikarhi ka matiko lawa nga swirho swa BRICS.

Varhangeri va vufambisi bya Vulawuri bya Tinhundzu eMindzilekanini vo suka eka matiko lawa ya nga swirho swa BRICS va ta hlangana eDurban ku sukela hi ti 18 ku fikela ti 19 Dzivamisoko 2018. Nhlengeletano leyi yi ta rhangeriwa hi vatokoti va vulawuri bya tinhundzu emindzilekanini endzhawini yo fana ku sukela hi ti 16 ku fikela ti 17 Dzivamisoko 2018. SARS yi ta tlhela yi rhurhela vatokoti hi swa xibalo na varhangeri va vufambisi bya xibalo hi Khotavuxika 2018. Tihlengelletano leti i xiphemu xa tihlengelletano ta tindzawulo ta mfumo hi ku anama leti vumbaka xiphemu xo lulamisela Samiti ya vu10 ya BRICS leyi Afrika-Dzonga yi nga ta yi rhurhela tanihi mutshamaxitulu wa BRICS hi Mhawuri 2018.

Mfumo wa Afrika-Dzonga wu tinyiketerile ku tirhisa xiave xa wona tanihi mutshamaxitulu wa BRICS hi 2018 ku kunguhatela xikongomelo xa ntirhisano lowu antswisiweke eka malembe-khume lawa ya ta ka.

Mfumo wu tlhele wu tinyiketela ku landzelerisa ajenda leyi tumbuluxiweke eXiamen, China hi 2017, leswi China a ri ri mutshamaxitulu, ku tiyisisa ntirhisano wa le henhla swinene na ku ya emahlweni.

Leswi ku ta va ra vumbirhi laha Afrika-Dzonga ri rhurhelaka Samiti ya BRICS, endzhaku ko rhurhela Samiti nkarhi lowu nga hundza hi Nyenyankulu 2013.

Vuxirho bya BRICS bya Afrika-Dzonga i xiphemu xa nkoka eku fambiseni ka swikongomiso swa pholisi ya matikomambe, ku katsa na ntlakuso wa Ajenda ya le Afrika, nhluvukiso wa nkarhi wo leha, mpfuxeto wa mfumo wa misava hinkwayo na ntirhisano.